

**PEMBERITAHU PERTANYAAN DEWAN RAKYAT**

**PERTANYAAN :** LISAN

**DARIPADA :** Y.B. PUAN RUBIAH BINTI HAJI WANG  
[ KOTA SAMARAHAN ]

**TARIKH :** 27.5.2015

**SOALAN :**

Puan Rubiah binti Haji Wang [ Kota Samarahan ] minta **MENTERI PENDIDIKAN** menyatakan sejauh manakah keberkesanan kerjasama strategik antara pihak polis dengan pihak sekolah dalam menangani gejala pengsterisme dan buli di kalangan pelajar sekolah.

**JAWAPAN**

Tuan Yang di-Pertua,

Kementerian Pendidikan Malaysia (KPM) memandang serius perbuatan buli dan pengsterisme dalam kalangan murid sekolah. Bagi menangani isu tersebut, KPM mengambil beberapa tindakan bersama dengan pihak PDRM seperti berikut;

- (a) Mewujudkan permuafakatan bersama PDRM di semua peringkat dengan melibatkan pihak JPN, PPD dan Sekolah.
- (b) Memantapkan program Pegawai Perhubungan Sekolah (Polis).
- (c) Meningkatkan bilangan platun Kadet Polis di sekolah.
- (d) Menggerakkan aktiviti Kelab Pencegahan Jenayah di semua sekolah rendah dan menengah.

- (e) Memantapkan sistem aduan disiplin serta mengambil tindakan cepat terhadap setiap aduan yang berkaitan buli dan gangsterisme.

Tindakan dengan menjalin hubungan kerjasama antara pelbagai agensi ini telah menunjukkan kesan yang positif. Berdasarkan jumlah yang direkodkan oleh KPM dalam tempoh tiga tahun (2012-2014) didapati jumlah murid yang terlibat dengan kegiatan salah laku berunsur jenayah berkurangan sebanyak 0.01% setahun. Pada tahun 2012 ianya berada pada kadar 0.27% kepada 0.25% pada 2014.

RJM49